

II.

Skupština Tuzlanskog kantona poziva Tužilaštvo Bosne i Hercegovine i predstavnike zemalja članica Vijeća za implementaciju mira u Bosni i Hercegovini da konačno počnu koristiti mehanizme koji im stoje na raspolaganju i sa verbalnih osuda djelovanja Milorada Dodika pređu na konkretno sankcionisanje istih.

Skupština Tuzlanskog kantona, također, poziva i visokog predstavnika gosp. Valentina Incka da iskoristi bonske ovlasti i preduzme mjere u skladu sa svojim ovlastima protiv premijera RS Milorada Dodika zbog širenja vjerske i nacionalne mržnje i netrpeljivosti, te negiranja zločina koji su agresorske snage počinile na tuzlanskoj Kapiji i sarajevskim Markalama.

III.

Skupština Tuzlanskog kantona daje punu podršku zaključcima Općinskog vijeća Tuzla.

IV.

Ova deklaracija bit će objavljena u „Službenim novinama Tuzlanskog kantona“ i dostavljena visokom predstavniku gosp. Valentinu Incku i Tužilaštvu Bosne i Hercegovine.

Bosna i Hercegovina
Federacija Bosne i Hercegovine
TUZLANSKI KANTON
S k u p š t i n a
Broj: 01-02-554-17/09
Tuzla, 29.9.2009.

Predsjednik
Skupštine Tuzlanskog kantona
Mr. sci. Amir Fazlić, v.r.

400

Na osnovu člana 32. Zakona o izmjenama i dopunama Zakona o izvršenju sankcija („Službene novine Tuzlanskog kantona“, broj 9/07) i člana 167. Poslovnika Skupštine Tuzlanskog kantona – prečišćeni tekst („Službene novine Tuzlanskog kantona“, br. 10/04, 13/06 i 1/08), Zakonodavno-pravna komisija Skupštine Tuzlanskog kantona, na sjednici održanoj 28.9.2009. godine, utvrdila je prečišćeni tekst Zakona o izvršenju sankcija

ZAKON O IZVRŠENJU SANKCIJA (PREČIŠĆENI TEKST)

I. OSNOVNE ODREDBE**Član 1.**

Ovim zakonom uređuju se pitanja izvršenja sankcija i drugih mjera koje nisu regulisane Zakonom o izvršenju krivičnih sankcija u Federaciji Bosne i Hercegovine (u daljem tekstu: federalni zakon), a odnose se na izvršenje novčane kazne, mjera sigurnosti i odgojnih mjera izrečenih učiniocu krivičnog djela, prekršajnih sankcija i odluka u pogledu troškova izvršenja novčane kazne i drugih troškova, odgodu i prekid izvršenja odgojnih mjera, kao i druga pitanja od značaja za izvršenje sankcija u Tuzlanskom kantonu (u daljem tekstu: Kanton).

Član 2.

Sankcije i mjere izrečene učiniocu krivičnog djela i prekršaja izvršavaju se na način uređen federalnim zakonom i ovim zakonom.

Član 3.

Sankcije iz člana 1. ovog zakona, za fizička lica, koja imaju prebivalište, odnosno boravište i pravna lica koja imaju sjedište na teritoriji Kantona, izvršavaju slijedeći organi:

1. sud koji je donio prvostepenu odluku kojom je sankcija izrečena (u daljem tekstu: prvostepeni sud),

2. općinski sud na čijem području osuđeno lice ima prebivalište ili boravište, odnosno sjedište (u daljem tekstu: općinski sud),

3. organi uprave ili službe za upravu nadležne za izdavanje dozvola, odnosno odobrenja za vršenje određenog poziva, djelatnosti ili dužnosti,

4. centar za socijalni rad općine na čijem području osuđeno lice ima prebivalište, odnosno boravište,

5. policijska uprava Ministarstva unutrašnjih poslova Kantona u općini na kojoj osuđeno lice ima prebivalište, odnosno boravište (u daljem tekstu: policijska uprava),

6. nadležni inspeksijski organ čije je sjedište na teritoriji Kantona (u daljem tekstu: inspeksijski organ).

Organi iz prethodnog stava izvršavaju i sankcije, koje su fizičkim licima koja imaju prebivalište, odnosno pravnim licima koja imaju sjedište, na teritoriji Kantona (u daljem tekstu: prebivalište) izrekli sudovi i drugi organi izvan Kantona.

Sankcije koje su fizičkim licima, koja nemaju prebivalište na teritoriji Kantona, izrekli sudovi ili drugi organi, čije je sjedište na teritoriji Kantona, izvršavaju organi određeni zakonom kantona u kojem lice ima prebivalište.

Član 4.

Organ, koji je donio prvostepenu odluku kojom je sankcija izrečena, dužan je, ako sam nije nadležan za njeno izvršenje, da izvršnu odluku dostavi organu nadležnom za izvršenje, najkasnije u roku tri dana od dana kad je odluka postala izvršna, odnosno od dana kad je tu odluku primio od višeg organa.

Kad su ispunjeni uslovi da se pristupi izvršenju sankcije, nadležni organ dužan je preduzeti potrebne radnje da se izvršenje sprovede bez odlaganja i u skladu sa odredbama ovog zakona.

Izvršenje sankcije može biti odloženo samo u slučajevima i pod uslovom predviđenim zakonom.

Član 5.

Poslovi izvršenja sankcija i drugih mjera, propisani ovim zakonom su poslovi od posebnog interesa za Kanton.

II. IZVRŠENJE NOVČANE KAZNE IZREČENE UČINIOCU KRIVIČNOG DJELA

Član 6.

Novčanu kaznu izrečenu osuđenom licu izvršava sud. Sud izvršava i novčanu kaznu koja je u toku krivičnog postupka izrečena svjedoku, vještaku ili drugim učesnicima u postupku.

Član 7.

Novčana kazna izvršava se u skladu sa relevantnim odredbama Krivičnog zakona.

Član 8.

Novčanu kaznu pravnom licu izvršava sud koji je izrekao novčanu kaznu, direktnom naplatom – blokiranjem računa pravnog lica, u skladu sa odredbama Zakona o izvršnom postupku.

III. IZVRŠENJE MJERE RASPOREĐIVANJE NA RAD ZA OPĆE DOBRO NA SLOBODI

Član 9.

Raspoređivanje na rad za opće dobro na slobodi obavlja ministar pravosuđa i uprave Kantona nalogom.

IV. IZVRŠENJE MJERA SIGURNOSTI I ODGOJNIH MJERA IZREČENIH UČINIOCU KRIVIČNOG DJELA

1. IZVRŠENJE MJERA SIGURNOSTI

a) Zabrana vršenja poziva, aktivnosti ili funkcije

Član 10.

Mjeru sigurnosti zabrane vršenja poziva, aktivnosti ili funkcije izvršava policijska uprava, odnosno organ uprave ili služba za upravu nadležna za izdavanje dozvole, odnosno odobrenja za vršenje određenog poziva, aktivnosti ili funkcije.

Sud, koji je donio odluku kojom je izrečena mjera sigurnosti zabrane vršenja određenog poziva, aktivnosti ili funkcije, obavještava o tome policijsku upravu na čijem području osuđeno lice, prema kome je mjera izrečena, ima prebivalište ili boravište.

Odluka o izrečenoj mjeri iz prethodnog stava unosi se u kaznenu evidenciju.

Izvršnu odluku, kojom je izrečena mjera sigurnosti zabrane vršenja određenog poziva, aktivnosti ili funkcije, prvostepeni sud dostavlja i nadležnom inspeksijskom organu i pravnom ili drugom licu, kod kojeg osuđeno lice obavlja poziv, aktivnost ili funkciju.

Inspeksijski organ, kao i pravno i drugo lice iz prethodnog stava, staraju se da osuđeno lice, u roku koji je određen odlukom, ne vrši zabranjeni poziv, aktivnost ili funkciju.

Član 11.

Ako je vršenje nekog poziva, aktivnosti ili funkcije na koje se zabrana odnosi vezano za dozvolu, odnosno odobrenje nadležnog organa uprave ili službe za upravu, ova mjera sigurnosti se izvršava oduzimanjem dozvole, odnosno odobrenja i zabranom njenog izdavanja dok ta mjera sigurnosti traje, uz istovremeno unošenje te mjere u evidenciju tog organa, odnosno službe.

Ako vršenje nekog poziva, aktivnosti ili funkcije nije vezano za posebnu dozvolu, odnosno odobrenje nadležnog organa uprave ili službe za upravu, mjeru sigurnosti zabrane vršenja poziva, aktivnosti ili funkcije izvršava policijska uprava, preduzimanjem potrebnih radnji, kojima se licu, prema kome je ta mjera izrečena, onemogućava da se bavi zabranjenim pozivom, aktivnošću ili funkcijom.

b) Zabrana upravljanja motornim vozilom

Član 12.

Mjeru sigurnosti zabrane upravljanja motornim vozilom izvršava Ministarstvo unutrašnjih poslova Kantona, na način i po postupku propisanim zakonom i propisima koje na osnovu člana 231. stava 4. Zakona o bezbjednosti saobraćaja na putevima u Bosni i Hercegovini, donosi ministar komunikacija i prometa Bosne i Hercegovine.

c) Oduzimanje predmeta

Član 13.

Mjeru sigurnosti oduzimanja predmeta izvršava sud, koji je donio odluku u prvom stepenu, po odredbama izvršnog postupka.

Prema prirodi oduzetih predmeta odredit će se da li će se oduzeti predmeti prodati po propisima izvršnog postupka ili će se uništiti ili ustupiti određenom organu ili ustanovi.

Troškove koji nastanu prinudnim izvršenjem mjere sigurnosti iz prethodnog stava snosi lice kome je ta mjera izrečena.

2. IZVRŠENJE ODGOJNIH MJERA IZREČENIH MALOLJETNOM UČINIOCU KRIVIČNOG DJELA

Član 14.

Odgojne mjere izrečene maloljetnom učiniocu krivičnog djela, izvršavaju se u skladu sa federalnim i ovim zakonom.

A. Upućivanje u disciplinski centar za maloljetnike

Član 15.

Disciplinska mjera upućivanje u disciplinski centar za maloljetnike izvršava se u disciplinskom centru za maloljetnike (u daljem tekstu: disciplinski centar).

Član 16.

Disciplinski centar je javna ustanova koju osniva Kanton.

Član 17.

Do osnivanja disciplinskog centra, disciplinska mjera iz člana 15. ovog zakona, izuzev disciplinske mjere upućivanja maloljetnika na neprekidni boravak u disciplinski centar do 20 dana, izvršava se u centru za socijalni rad ili u okviru odgojno-obrazovne ustanove koju odredi taj centar.

Izvršenje disciplinske mjere upućivanja maloljetnika na neprekidni boravak u disciplinski centar do 20 dana, odgađa se do osnivanja disciplinskog centra iz prethodnog člana.

Član 18.

Izvršnu odluku, kojom je maloljetniku izrečena disciplinska mjera upućivanja u disciplinski centar za maloljetnike, prvostepeni sud dostavlja centru za socijalni rad.

Član 19.

Centar za socijalni rad, u dogovoru sa disciplinskim centrom, poziva maloljetnika da se određenog dana i sata, u pratnji roditelja, usvojitelja ili staratelja, javi u disciplinski centar, radi izvršenja disciplinske mjere.

Član 20.

Izvršenje disciplinske mjere upućivanja u disciplinski centar počinje od dana kada se maloljetnik javi u disciplinski centar.

Član 21.

Roditelji, usvojitelj ili staratelj maloljetnika, dužni su da obezbijede redovni dolazak maloljetnika u disciplinski centar, a u slučaju da maloljetnik, iz opravdanih razloga, bude spriječen da dođe određenog dana u disciplinski centar, dužni su da o tome, odmah, obavijeste disciplinski centar i centar za socijalni rad.

Ako se maloljetnik određenog dana i u određeno vrijeme ne javi disciplinskom centru ili prestane da redovno dolazi, disciplinski centar će o tome obavijestiti centar za socijalni rad i prvostepeni sud, radi preduzimanja odgovarajućih mjera.

Član 22.

Disciplinska mjera upućivanja u disciplinski centar na određeni broj sati u praznične dane ili na određeni broj sati u toku dana, izvršava se između 8 i 20 sati u slobodnom vremenu maloljetnika, usklađenom sa školskim i radnim obavezama.

Maloljetniku, upućenom u disciplinski centar na neprekidni boravak na utvrđeni broj dana, obezbjeđuje se smještaj i ishrana.

Član 23.

Izvršenje disciplinske mjere upućivanja u disciplinski centar određuje se na način da se maloljetniku omogući redovno pohađanje nastave u školi ili obavljanje poslova na radnom mjestu.

Za vrijeme boravka u disciplinskom centru maloljetnik se upošljava na korisnim radovima koji odgovaraju njegovom uzrastu, a koje organizuje disciplinski centar.

Član 24.

Disciplinski centar donosi plan za rad s maloljetnikom.
Disciplinski centar organizuje obavljanje korisnih radova prilagođenih uzrastu maloljetnika.

Član 25.

U disciplinskom centru, maloljetnik je dužan da se pridržava pravila kućnog reda i uputstava i savjeta ovlaštenih stručnih radnika.
Ako se, zbog nediscipline maloljetnika ili lica iz člana 21. stava 1. ovog zakona mjera upućivanja u disciplinski centar za maloljetnike ne može izvršiti, disciplinski centar o tome obavještava centar za socijalni rad i prvostepeni sud radi preduzimanja odgovarajućih mjera.

Član 26.

Odredbе članova 19. do 25. shodno se primjenjuju i u slučaju kad se disciplinska mjera upućivanja u disciplinski centar za maloljetnike izvršava prema odredbama člana 17. ovog zakona.

B. IZVRŠENJE MJERA POJAČANOG NADZORA**a) Pojačan nadzor od strane roditelja, usvojitelja ili staratelja****Član 27.**

Izvršenje mjera pojačanog nadzora od strane roditelja, usvojitelja ili staratelja, počinje od dana kad se roditeljima, usvojitelju ili staratelju maloljetnika dostavi izvršna odluka prvostepenog suda radi izvršenja ove mjere.

Član 28.

Izvršenje mjere iz prethodnog člana obuhvata stalnu i punu brigu roditelja, staratelja ili usvojitelja u odgoju maloljetnika, brigu oko razvijanja radnih navika maloljetnika, odvajanje iz sredine koja na maloljetnika štetno utiče, sređivanje prilika u kojima maloljetnik živi, razvijanje osjećaja lične odgovornosti i podsticanje da i sam učestvuje u svom preodgoju.

Član 29.

Ako je prvostepeni sud dao potrebne upute i naložio određene dužnosti u pogledu mjera koje treba preduzeti za odgoj maloljetnika, njegovo liječenje i za otklanjanje štetnih uticaja na njega, roditelji, usvojitelj ili staratelj, dužni su postupiti po ovim uputama i izvršavati naložene dužnosti.

Član 30.

Ako je prvostepeni sud, pri izricanju mjere iz člana 27. ovog zakona, odredio da nadležni organ socijalne zaštite provjerava njeno izvršenje i ukazuje pomoć roditelju, usvojitelju ili staratelju, pravosnažna odluka prvostepenog suda dostavlja se nadležnom centru za socijalni rad.

U slučaju iz prethodnog stava, centar za socijalni rad dužan je da:

- poziva, najmanje svakih 15 dana, maloljetnika i njegove roditelje, usvojitelja ili staratelja, radi vođenja razgovora o pitanjima vezanim za izvršenje izrečene mjere,
- provjerava, u saradnji sa školom, preduzećem ili drugim pravnim licem, odnosno ustanovom, u kojoj maloljetnik radi ili je uključen, odnos maloljetnika prema radnim obavezama, kao i njegovo ponašanje prema drugim licima,
- pruža pomoć maloljetniku, putem saradnje sa odgovarajućim ustanovama, kad roditelji, usvojitelj ili staratelj, nisu u stanju sami da postupe po datim uputama i nalogima,
- dostavlja izvještaje iz člana 32. ovog zakona.

Član 31.

Sudija za maloljetnike, u saradnji sa centrom za socijalni rad, daje upute roditeljima, usvojitelju ili staratelju, o načinu izvršenja mjere pojačanog nadzora i njihovim obavezama, kao i o sačinjavanju plana rada sa maloljetnikom, a može uputiti maloljetnika, roditelje, usvojitelja ili staratelja u odgovarajuće savjetovanište, odnosno stručnu ustanovu, uz obavezu da postupe po dobijenim savjetima.

Član 32.

Roditelji, usvojitelj ili staratelj ili centar za socijalni rad dužni su da izvještavaju prvostepeni sud, u rokovima koje odredi prvostepeni sud, a najmanje svaka tri mjeseca, o ostvarivanju plana izvršenja mjere pojačanog nadzora od strane roditelja, usvojitelja ili staratelja, a naročito o odnosu maloljetnika prema izvršavanju posebnih obaveza.

Član 33.

Ako maloljetnik za vrijeme izvršavanja mjere pojačanog nadzora od strane roditelja, usvojitelja ili staratelja promijeni prebivalište, odnosno boravište, roditelji, usvojitelj ili staratelj, dužni su da o tome odmah obavijeste centar za socijalni rad i prvostepeni sud.

b) Pojačan nadzor u drugoj porodici**Član 34.**

Izvršna odluka prvostepenog suda kojom je izrečena mjera pojačanog nadzora u drugoj porodici, izvršava se u porodici koja je voljna da primi maloljetnika i ima mogućnosti da vrši nad njim pojačan nadzor.

Centar za socijalni rad vrši provjeravanje izvršavanja mjere iz prethodnog stava i ukazuje potrebnu pomoć porodici kojoj je maloljetnik predat.

Član 35.

Centar za socijalni rad, u saradnji sa mjesnim zajednicama na teritoriji općine za koju je osnovan taj centar, iznalazi porodice koje su voljne da prime maloljetnika i koje imaju mogućnosti da vrše nad njim pojačan nadzor.

Član 36.

Centar za socijalni rad određuje, iz spiska porodica kod kojih se mogu smjestiti maloljetnici, porodicu u kojoj će maloljetnik biti smješten radi izvršenja mjere pojačanog nadzora u drugoj porodici i o tome obavještava prvostepeni sud.

Po dobijenom obavještenju u kojoj porodici će se mjera iz prethodnog stava izvršiti, prvostepeni sud će postupiti po odredbama člana 31. ovog zakona.

Član 37.

Centar za socijalni rad smješta maloljetnika u porodicu u kojoj će se izvršavati izrečena mjera pojačanog nadzora, na način kako je smještaj u drugu porodicu regulisan posebnim propisima o socijalnoj zaštiti.

Troškove izvršenja mjere pojačanog nadzora u drugoj porodici snosi Kanton.

Član 38.

Prvostepeni sud može, na prijedlog centra za socijalni rad ili kad sam ocijeni, odrediti smještaj maloljetnika u drugu porodicu iz člana 35. ovog zakona, ako su se prilike u porodici u kojoj je maloljetnik smješten toliko izmijenile da ne obezbjeđuju pravilno izvršenje izrečene mjere.

Član 39.

Za vrijeme izvršenja mjere pojačanog nadzora u drugoj porodici, a u cilju obezbjeđenja uslova za vraćanje maloljetnika u njegovu porodicu, centar za socijalni rad dužan je da utiče na sređivanje prilika u porodici iz koje je maloljetnik izdvojen.

Član 40.

Odredbе članova 27. do 33. ovog zakona shodno se primjenjuju i na izvršenje mjere pojačanog nadzora u drugoj porodici.

c) Pojačan nadzor od strane nadležnog organa socijalne zaštite**Član 41.**

Odluku prvostepenog suda, kojom je izrečena mjera pojačanog nadzora od strane nadležnog organa socijalne zaštite, izvršava centar za socijalni rad.

Član 42.

Po prijemu izvršne odluke prvostepenog suda, kojom je izrečena mjera iz prethodnog stava, centar za socijalni rad dužan je da:

- ostvaruje neposredni kontakt s maloljetnikom putem razgovora, posjeta, obilazaka i na drugi pogodan način, a najmanje jednom u deset dana,
- uspostavi stalnu saradnju sa mjesnom zajednicom, školom ili preduzećem, odnosno drugim pravnim licem, gdje maloljetnik živi i radi.

Obrazovne, odgojne, zdravstvene i druge ustanove, kao i udruženja, odnosno društva koja okupljaju djecu i omladinu, dužni su da sarađuju sa centrom za socijalni rad i da mu pružaju pomoć u izvršenju mjere iz prethodnog stava.

Član 43.

Roditelji, usvojitelj ili staratelj maloljetnika dužni su da obavještavaju centar za socijalni rad o okolnostima i prilikama koje negativno utiču na uspješno izvršenje mjere iz stava 1. prethodnog člana.

C. ODGODA I PREKID IZVRŠENJA ODGOJNIH MJERA**1. ODGODA I PREKID DISCIPLINSKE MJERE I MJERE POJAČANOG NADZORA****a) Odgoda****Član 44.**

Izvršenje odgojnih mjera upućivanja u disciplinski centar za maloljetnike i pojačanog nadzora u drugoj porodici, može se odgoditi na molbu maloljetnika, njegovog roditelja, staratelja ili usvojitelja, bračnog druga ili na prijedlog centra za socijalni rad, u slučajevima:

1. ako je maloljetnik obolio od teže akutne bolesti,
2. ako se desio smrtni slučaj ili teška bolest u užoj porodici maloljetnika,
3. ako se maloljetnik nalazi neposredno pred završetkom škole ili polaganja ispita za koji se pripremao, pa bi mu izvršenje odgojne mjere u ovom momentu moglo nepovoljno uticati na izvršenje tih obaveza.

Izvršenje odgojne mjere u slučaju iz tačke 1. prethodnog stava može se odložiti dok bolest traje, u slučajevima iz tačke 2. najduže za tri mjeseca, a u slučaju iz tačke 3. najduže za šest mjeseci.

Član 45.

Molba za odgodu izvršenja odgojne mjere podnosi se centru za socijalni rad.

Molba iz stava 1. ovog člana, podnosi se u roku od tri dana od dana prijema poziva za izvršenje odgojne mjere.

Ako je razlog za odlaganje izvršenja odgojne mjere iz tačaka 1. i 2. člana 44. nastao nakon isteka roka iz stava 2. ovog člana, molba se može podnijeti do dana kad se maloljetnik treba da javi radi izvršenja odgojne mjere.

U molbi se moraju navesti razlozi zbog kojih se traži odlaganje izvršenja odgojne mjere.

Član 46.

O molbi za odlaganje izvršenja odgojne mjere odlučuje centar za socijalni rad, koji je dužan, u roku od pet dana od dana prijema molbe, donijeti pismeno rješenje.

Prije donošenja rješenja iz prethodnog stava, centar za socijalni rad može izvršiti potrebna provjeravanja, radi utvrđivanja činjenica navedenih u molbi.

Molbu, koja nije podnesena u roku iz stava 2. prethodnog člana, ili u kojoj nisu navedeni razlozi, centar za socijalni rad odbacuje rješenjem.

Član 47.

Protiv rješenja kojim se odbija molba za odlaganje izvršenja odgojne mjere podnosilac ima pravo žalbe, u roku od tri dana od dana prijema rješenja, Ministarstvu za rad i socijalnu politiku, a žalba odlaže izvršenje rješenja.

Organ iz stava 1. ovog člana dužan je donijeti rješenje o žalbi u roku od tri dana od dana prijema žalbe, a u roku od pet dana od dana donošenja rješenja dužan je rješenje dostaviti centru za socijalni rad, radi izvršenja.

Protiv rješenja Ministarstva iz prethodnog stava ne može se pokrenuti upravni spor.

Član 48.

Centar za socijalni rad donijet će rješenje o odlaganju izvršenja odgojne mjere na zahtjev nadležnog tužioca, ako je podignut zahtjev za zaštitu zakonitosti.

b) Prekid**Član 49.**

Na molbu maloljetnika ili njegovih roditelja, usvojitelja ili staratelja iz posebno opravdanih razloga, može se dozvoliti prekid izvršenja odgojne mjere upućivanja u disciplinski centar, koji ne može trajati duže od tri mjeseca.

Trudnoj maloljetnici može se dozvoliti prekid izvršenja odgojne mjere do navršene jedne godine života djeteta.

Prekid izvršenja odgojne mjere dozvolit će se na zahtjev nadležnog tužioca, ako je podignut zahtjev za zaštitu zakonitosti.

Vrijeme prekida ne računa se u vrijeme izvršenja odgojne mjere.

Član 50.

O prekidu odgojnih mjera odlučuje centar za socijalni rad.

Protiv rješenja centra za socijalni rad, podnosilac molbe može izjaviti žalbu Ministarstvu za rad i socijalnu politiku u roku od osam dana od dana prijema rješenja.

Protiv rješenja iz prethodnog stava ne može se pokrenuti upravni spor.

2. ODGODA I PREKID ZAVODSKE ODGOJNE MJERE**a) Odgoda****Član 51.**

Izvršenje zavodske odgojne mjere upućivanja u odgojnu ustanovu, u odgojno-popravni dom ili u drugu ustanovu za

osposobljavanje (u daljem tekstu: zavodska odgojna mjera), može se odložiti na molbu maloljetnika, njegovog roditelja, usvojitelja i staratelja, bračnog druga ili na prijedlog centra za socijalni rad, u slučajevima:

1. ako je maloljetnik obolio od teže akutne bolesti,
2. ako se desio smrtni slučaj ili teška bolest u užoj porodici maloljetnika,
3. ako se maloljetnik nalazi u završnom razredu škole ili je pred polaganjem ispita za koji se pripremao, a za to nema uslova u ustanovi određenoj za izvršenje odgojne mjere,
4. ako se radi o maloljetnici, koja doji dijete mlađe od godinu dana ili koja je trudna, a do porođaja ne preostaje više od pet mjeseci, i
5. ako je odlaganje potrebno radi izvršenja, odnosno dovršenja neodložnih poljskih ili sezonskih radova, ili radova izazvanih elementarnim nepogodama, ili drugim udesom, a u porodici maloljetnika nema drugih lica, koja bi mogla obaviti te poslove, niti se, zbog slabog imovnog stanja njegove porodice, mogu angažovati druga lica za obavljanje ovih poslova.

Izvršenje zavodske odgojne mjere u slučaju iz tačke 1. prethodnog stava može se odložiti dok bolest traje, u slučajevima iz tačaka 2. i 5. najduže za tri mjeseca, u slučaju iz tačke 3. najduže do kraja školske godine, a ako se izvršenje odlaže zbog polaganja ispita najduže 3 mjeseca, a u slučaju iz tačke 4. do navršetka jedne godine života djeteta.

Izvršenje zavodske odgojne mjere ne može se odložiti, u smislu stava 1. ovog člana, ako je protiv maloljetnika nakon donošenja odluke kojom je ta odgojna mjera izrečena, određen, odnosno produžen pritvor, kao ni kada je maloljetniku izrečena odgojna mjera upućivanja u drugu ustanovu za osposobljavanje umjesto mjere sigurnosti obaveznog psihijatrijskog liječenja i čuvanja u zdravstvenoj ustanovi.

Član 52.

Molba za odlaganje izvršenja odgojne mjere upućivanja u odgojno-popravni dom podnosi se prvostepenom sudu, a za ostale odgojne mjere centru za socijalni rad, u roku od tri dana od dana prijema poziva za izvršenje odgojne mjere.

Ako je razlog za odlaganje izvršenja odgojne mjere iz tačaka 1. i 2. stava 1. člana 51., nastao nakon isteka roka iz prethodnog stava, molba se može podnijeti do dana kada se maloljetnik treba da javi radi izvršenja odgojne mjere.

U molbi se moraju navesti razlozi zbog kojih se traži odlaganje izvršenja odgojne mjere.

Član 53.

O molbi za odlaganje izvršenja odgojne mjere upućivanja u odgojno-popravni dom odlučuje sudija za maloljetnike, a za ostale odgojne mjere centar za socijalni rad, koji su dužni u roku od pet dana od dana prijema molbe, donijeti pismeno rješenje.

Prije donošenja rješenja iz prethodnog stava, prvostepeni sud, odnosno centar za socijalni rad, mogu izvršiti potrebna provjeravanja, radi utvrđivanja činjenica navedenih u molbi.

Molbu koja nije podnesena u roku iz stava 2. prethodnog člana ili u kojoj nisu navedeni razlozi, sudija za maloljetnika, odnosno centar za socijalni rad odbacuje rješenjem.

Član 54.

Protiv rješenja kojim se odbija molba za odlaganje izvršenja odgojne mjere upućivanja u odgojno-popravni dom, podnosilac ima pravo žalbe u roku od tri dana od dana prijema rješenja, vijeću za maloljetnike prvostepenog suda, a protiv rješenja kojim se odbija molba za odlaganje izvršenja ostalih zavodskih odgojnih mjera, Ministarstvu za rad i socijalnu politiku.

Žalba odlaže izvršenje rješenja.

Organ, iz stava 1. ovog člana, dužan je donijeti rješenje o žalbi u roku od tri dana od dana prijema žalbe, a u roku od pet dana

od dana donošenja rješenja dužan je rješenje dostaviti nadležnom organu za izvršenje zavodske odgojne mjere.

Protiv rješenja Ministarstva iz stava 1. ovog člana ne može se pokrenuti upravni spor.

Član 55.

Vijeće za maloljetnike prvostepenog suda donijet će rješenje o odlaganju izvršenja odgojne mjere na zahtjev nadležnog tužioca, ako je podignut zahtjev za zaštitu zakonitosti.

b) Prekid

Član 56.

Na molbu maloljetnika ili njegovih roditelja, usvojitelja ili staratelja, iz posebno opravdanih razloga, može se dozvoliti prekid izvršenja zavodske odgojne mjere, koji ne može trajati duže od tri mjeseca.

Trudnoj maloljetnici može se dozvoliti prekid izvršenja zavodske odgojne mjere do navršene jedne godine života djeteta.

Prekid izvršenja zavodske odgojne mjere dozvolit će se na zahtjev nadležnog tužioca, ako je podignut zahtjev za zaštitu zakonitosti.

Vrijeme prekida ne računa se u vrijeme izvršenja odgojne mjere.

Prekid izvršenja zavodske odgojne mjere upućivanja u drugu ustanovu za osposobljavanje ne može se dozvoliti ako je ova odgojna mjera izrečena maloljetniku umjesto mjere sigurnosti obaveznog psihijatrijskog liječenja i čuvanja u zdravstvenoj ustanovi.

Član 57.

O prekidu izvršenja zavodske odgojne mjere upućivanja u odgojno-popravni dom odlučuje rukovodilac ustanove u kojoj se izvršava ta mjera, a o prekidu izvršenja ostalih zavodskih odgojnih mjera centar za socijalni rad.

Protiv rješenja rukovodioca ustanove iz prethodnog stava, podnosilac molbe može izjaviti žalbu Ministarstvu pravosuđa i uprave, a protiv rješenja centra za socijalni rad, Ministarstvu za rad i socijalnu politiku, u roku od osam dana od dana prijema rješenja.

Protiv rješenja iz prethodnog stava ne može se pokrenuti upravni spor.

V. IZVRŠENJE PREKRŠAJNIH SANKCIJA

Član 58.

Izrečeni ukor u prekršajnom postupku posebno se evidentira u sudu koji je izrekao tu sankciju.

VI. ZAŠTITNE MJERE

a) Oduzimanje predmeta

Član 59.

Zaštitnu mjeru oduzimanja predmeta izvršava općinski sud koji je donio rješenje o izricanju te zaštitne mjere, po propisima koji važe za prinudnu naplatu poreza.

Prema prirodni oduzetih predmeta odredit će se da li će se oduzeti predmeti prodati po propisima koji važe za prinudnu naplatu poreza, ili će se uništiti, ili ustupiti određenom organu ili ustanovi.

Troškove koji nastanu prinudnim izvršenjem mjere sigurnosti iz prethodnog stava snosi lice kome je ta mjera izrečena.

Član 60.

Sredstva dobijena prodajom oduzetih predmeta su prihod budžeta Kantona.

b) Zabrana vršenja poziva, djelatnosti ili dužnosti**Član 61.**

Zaštitna mjera zabrane vršenja poziva, djelatnosti ili dužnosti izvršava se na način propisan u članu 10. ovog zakona za izvršenje mjere sigurnosti zabrane vršenja poziva, aktivnosti ili funkcije.

c) Potpuna ili djelimična zabrana upravljanja motornim vozilom**Član 62.**

Zaštitnu mjeru potpune ili djelimične zabrane upravljanja motornim vozilom izvršava Ministarstvo unutrašnjih poslova Kantona, na način i po postupku propisanim zakonom i propisima koje, na osnovu člana 231. stava 4. Zakona o bezbjednosti saobraćaja na putevima u Bosni i Hercegovini, donosi ministar komunikacija i prometa Bosne i Hercegovine.

d) Vanbolničko liječenje ovisnosti**Član 63.**

Zaštitna mjera vanbolničkog liječenja ovisnosti, izvršava se u specijalizovanim zdravstvenim ustanovama Kantona, u koje kažnjeno lice općinski sud uputi na određeni period.

Specijalizovane zdravstvene ustanove, u koje općinski sud uputi kažnjeno lice radi vanbolničkog liječenja ovisnosti, dužne su izvještavati općinski sud o tome da li se okrivljeno lice podvrglo određenom vanbolničkom liječenju, o neurednom odazivanju okrivljenog lica ili prekidu određenog vanbolničkog liječenja, odmah po saznanju, a najkasnije u roku od 15 dana od saznanja ili u drugim rokovima ili na način koji odredi općinski sud.

Troškove obaveznog liječenja, za lica koja nisu zdravstveno osigurana, kao i dio troškova koji po posebnim propisima snosi sam osiguranik, za kažnjena lica koja imaju prebivalište, odnosno boravište na području Kantona, snosi Kanton.

e) Druge zaštitne mjere predviđene zakonom**Član 64.**

Druge zaštitne mjere predviđene posebnim zakonom izvršavaju se na način i pod uslovima predviđenim tim zakonom.

VII. IZVJEŠTAVANJE O IZVRŠENJU SANKCIJA**Član 65.**

Organi iz člana 3. ovog zakona dužni su, na zahtjev Ministarstva pravosuđa i uprave, a najmanje jednom godišnje, podnijeti izvještaj Skupštini Kantona o izvršenju sankcija iz člana 1. ovog zakona, koji sadrži podatke o:

- iznosu izvršenih novčanih kazni izrečenih učiniocu krivičnog djela i prekršaja (dobrovoljno i prinudno izvršenje),
- zamijenjenoj novčanoj kazni kaznom zatvora izrečenoj u prekršajnom postupku (broj dana),
- broju i vrstama izvršenih mjera sigurnosti i odgojnih mjera izrečenih učiniocu krivičnog djela,
- broju i razlozima odgođenih i prekinutih izvršenja mjera sigurnosti i odgojnih mjera izrečenih učiniocu krivičnog djela,
- broju i vrstama izvršenih zaštitnih mjera izrečenih učiniocu prekršaja,
- ocjeni stanja i razlozima neizvršenja pojedinih sankcija.

Izvjestaj iz prethodnog stava podnosi se putem Ministarstva pravosuđa i uprave, na obrascima koje propisuje ministar pravosuđa i uprave.

VIII. KAZNE ODREDBE**Član 66.**

Ako posebnim propisom nije drukčije određeno, osuđeno lice koje vrši poziv, aktivnost ili funkciju koja mu je zabranjena u krivičnom postupku, odnosno lice koje vrši poziv, djelatnost ili dužnost koja mu je zabranjena u prekršajnom postupku, kaznit će se za prekršaj novčanom kaznom od 300 do 1.500 KM.

Pravno lice koje osuđenom licu povjeri vršenje poziva, aktivnosti ili funkcije, odnosno, poziva, djelatnosti ili dužnosti koje su mu zabranjene, kaznit će se za prekršaj novčanom kaznom od 1.000 do 5.000 KM, a odgovorno lice u tom pravnom licu, novčanom kaznom od 200 do 1.000 KM.

Član 67.

Ukoliko roditelj, usvojitelj ili staratelj postupi suprotno uputama suda iz članova 29. i 33. ovog zakona, kaznit će se novčanom kaznom od 100 do 500 KM.

Ukoliko roditelj, usvojitelj, staratelj ili centar za socijalni rad postupi protivno obavezama iz člana 32. ovog zakona, kaznit će se lice za prekršaj novčanom kaznom od 100 do 500 KM, a centar za socijalni rad od 1.000 do 5.000 KM.

Član 68.

Ako posebnim propisom nije drukčije određeno, pravno lice koje vrši privrednu djelatnost koja mu je zabranjena, kaznit će se za prekršaj novčanom kaznom od 1.000 do 5.000 KM, a odgovorno lice u pravnom licu novčanom kaznom od 200 do 1.000 KM.

Član 69.

Odgovorno lice ovlaštene organizacije platnog prometa, kaznit će se za prekršaj novčanom kaznom od 100 do 500 KM, ako u određenom roku ne dostavi obavještenje, odnosno dokaz o izvršenoj naplati sudu ili drugom nadležnom organu koji je izdao nalog za naplatu.

Član 70.

Ako posebnim propisom nije drukčije određeno obrtnik koji vrši djelatnost koja mu je zabranjena, kaznit će se za prekršaj novčanom kaznom od 1.000 do 1.500 KM.

IX. PRIJELAZNE I ZAVRŠNE ODREDBE**Član 71.**

Disciplinski centar za maloljetnike, kao posebna kantonalna javna ustanova, osnovat će se i početi sa radom u roku od pet godina od dana stupanja na snagu ovog zakona.

Član 72.

Stupanjem na snagu ovog zakona, na teritoriji Kantona prestaje primjena Zakona o izvršenju krivičnih i prekršajnih sankcija ("Službeni list SRBiH", broj 2/84 - Prečišćeni tekst i br. 12/87, 25/88, 27/90 i 38/90), Zakon o izvršenju novčane kazne i zaštitnih mjera izrečenih za privredni prijestup ("Službeni list SRBiH", broj 9/78) i Zakon o izvršenju vaspitnih mjera i mjera zaštitnog nadzora (sankcija) ("Službeni list SRBiH", br. 35/79, 5/84, 12/87 i 36/87).

Član 73.

Prečišćeni tekst Zakona o izvršenju sankcija obuhvata:

- Zakon o izvršenju sankcija („Službene novine Tuzlanskog kantona“, broj 6/00),

- Zakon o izmjenama Zakona o izvršenju sankcija („Službene novine Tuzlanskog kantona“, broj 14/02),
- Zakon o izmjenama i dopunama Zakona o izvršenju sankcija („Službene novine Tuzlanskog kantona“, broj 10/04),
- Zakon o izmjenama i dopunama Zakona o izvršenju sankcija („Službene novine Tuzlanskog kantona“, broj 9/07), u kojima je označen dan stupanja na snagu pojedinih zakona.

Bosna i Hercegovina
- Federacija Bosne i Hercegovine -
T U Z L A N S K I K A N T O N
S k u p š t i n a
- Zakonodavno-pravna komisija -
Broj: 02-02-539-3/09
Tuzla, 28.9.2009. godine

Predsjednik
Zakonodavno-pravne komisije
Skupštine Tuzlanskog kantona,
Refik Ahmedinović, v.r.

401

Na osnovu člana 5. i člana 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05 i 11/06), a u vezi sa članom 95. i članom 127. stavom 4. Zakona o policijskim službenicima Tuzlanskog kantona („Službene novine Tuzlanskog kantona“, br. 6/06 i 11/07), Vlada Tuzlanskog kantona, na sjednici održanoj dana 18.08.2009. godine, donosi

U R E D B U O IZMJENAMA I DOPUNAMA UREDBE O PLAĆAMA I NAKNADAMA PLAĆA POLICIJSKIH SLUŽBENIKA TUZLANSKOG KANTONA

Član 1.

U članu 3. stavu 1. Uredbe o plaćama i naknadama plaća policijskih službenika Tuzlanskog kantona („Službene novine Tuzlanskog kantona“, br. 14/06, 4/07, 6/07, 2/08 i 4/08), koeficijenti za pojedine činove mijenjaju se i glase:

1. Generalni inspektor policije.....	3,82
2. Glavni inspektor.....	3,23
3. Samostalni inspektor.....	2,94
4. Viši inspektor.....	2,64

Član 2.

Ova uredba stupa na snagu danom donošenja, odnosi se na obračun plaća za mjesec juli 2009 godine i bit će objavljena u „Službenim novinama Tuzlanskog kantona“

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A
Broj: 02/1-02-13650/09
Tuzla, 18.08.2009. godine

PREMIJER KANTONA
mr.sc. Enes Mujić, v.r.

402

Na osnovu člana 5. i člana 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05 i 11/06), Vlada Tuzlanskog kantona na sjednici održanoj dana 27.08.2009. godine, donosi

U R E D B U o izmjenama Uredbe o načinu i postupku utvrđivanja plaća, naknadama i drugim materijalnim pravima službenika i namještenika u organima uprave

Član 1.

U članu 9. Uredbe o načinu i postupku utvrđivanja plaća, naknadama i drugim materijalnim pravima službenika i namještenika u organima uprave („Službene novine Tuzlanskog kantona“, br. 15/03, 4/04, 8/04, 1/05, 11/05, 13/05 i 8/09) u stavu 1. tački 2. iza riječi „penziju“ briše se riječ „najmanje“ i iza riječi „ili u visini“ briše se riječ „najmanje“.

Član 2.

Ova uredba stupa na snagu danom donošenja i bit će objavljena u „Službenim novinama Tuzlanskog kantona“, a primjenjuje se od 01.09.2009. godine.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A
Broj: 02/1-02-14180/09
Tuzla, 27.08.2009. godine

PREMIJER KANTONA
mr.sc. Enes Mujić, v.r.

403

Na osnovu člana 5. i člana 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05 i 11/06) i člana 39. stava 3. Zakona o državnoj službi u Federaciji Bosne i Hercegovine („Službene novine Federacije Bosne i Hercegovine“, br. 29/03, 23/04, 39/04, 54/04, 67/05 i 8/06), Vlada Tuzlanskog kantona, na sjednici održanoj dana 17.08.2009. godine, donosi

O D L U K U o izmjenama Odluke o utvrđivanju platnih razreda i koeficijenata za plaće državnih službenika u organima državne službe Tuzlanskog kantona

Član 1.

Član 2. stav 1. Odluke o utvrđivanju platnih razreda i koeficijenata za plaće državnih službenika u organima državne službe Tuzlanskog kantona („Službene novine Tuzlanskog kantona“, br. 12/06, 14/06, 4/07, 6/07 i 2/08), mijenja se i glasi:

“(1) Državni službenici kantonalnih organa, određeni u Zakonu o državnoj službi u Federaciji Bosne i Hercegovine, razvrstavaju se u deset platnih razreda i za svaki platni razred utvrđuje se koeficijent za plaću u slijedećim vrijednostima:

- I platni razred	3,82
- II platni razred	3,52
- III platni razred	3,38
- IV platni razred	3,23
- V platni razred	2,94
- VI platni razred	2,79
- VII platni razred	2,64
- VIII platni razred	2,63
- IX platni razred	2,47
- X platni razred	2,32

Član 2.

Ova odluka stupa na snagu danom donošenja, a primjenjivat će se za mjesec juli 2009. godine i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A
Broj: 02/1-14-13504/09
Tuzla, 17.08.2009. godine

PREMIJER KANTONA
mr.sc. Enes Mujić, v.r.